

*in hac verba,*

Cōme ainsi soit que les maistres Doy en & Docteurs de la faculte de Theologie en nostre vniuersité de Paris, n'auroyent pas tenu grand cōpte de ce que nostre feu Seigneur & pere leur auroit mande touchant les Bibles de nostre imprimeur Robert Estienne: & encores moins en auroyent tenu compte depuis le trespas de nostredict feu Seigneur & pere: Pource est il que nous te mandons Huissier, & cōmettons par ces presentes, que tu faces tresexpres cōmandement de par nous ausdicts maistres, Doyen & docteurs, sur certaines & grandes peines a nous a appliquer, qu'incontinent, & sans aucune discontinuation ils paracheuent de veoir & noter ce qu'ils verront estre a noter & reprēdre esdictes Bibles, soyent grādes ou petites, si fait ne l'ōt: & si fait est, ou incontinet qu'il sera fait, baillent a nostredict Imprimeur leurs notes & censures ou corrections, pour les imprimer en leur nom, & mettre au deuāt ou